



## 10 milliuns per sanar il Seminari da spirituals

Suenter la nova structura a la Scol'auta teologica a Cuirà vegnan ils stabiliments adattads.

2



## Il squitsch finanziel sa fa valair

Il Clom d'urgenza da sanidad 144 preschenta in rapport annual detaglià per l'onn 2005

7

DIE SÜDOSTSCHWEIZ

# LA QUOTIDIANA

Redacziun: Via centrala 4, 7130 Ilanz/Glion, tel. 081 920 07 10, fax 081 920 07 15

## Ün'ulteriura sporta culturala a Sent

■ (anr/fa) Sent es fingià uossa ün cumün chi spordscha adüna darcheu arrandschamaints culturals. Dürant il mais november da l'on passà s'haja decis chi's pudess perfin amo ingrondir quista sporta: A chaschun da la dieta davart l'avegnir da Sent d'eira nada l'idea da fundar qua ün'uscheditta chasa da cultura. In quella dessan gnir sportas prelecziuns, rapreschantaziuns da

films, exposiziuns, cuors, lavuratori ed oter plü. Üna gruppa da lavur vaiva surtut l'incumbenza d'examinar co chi's pudess realisar il proget. In venderdi passà ha ella invidà a tuot ils interessats ad ün sairada d'infurmaziun. Üna quarantina da personas s'ha lachada preschantar il concept dal proget.

> PAGINA 11

## Festivau il giubileum cun mottos piztgonts

■ (sb) Cun paucas e trumbettas ed in til da tscheiver pompus han Las lieurs da Trun festivau lur giubileum da 15 onns. La sonda vargada ein 27 gruppas marschadas tras il vitg ornau da Trun e rodund 1500 aspectaturs han assistiu al til. Ils sujets tunschevan dallas miurs carinas dils pignets da Trun entochen tiels giavels stermentus da Glion. Cun mottos divertents e piztgonts ein

gruppas da Trun e d'ordeifer sereguardadas digl onn vargau. Ballapei, Mozart e la grippa d'utschals fatschantan biars ferton che la canera dils zenns ed il giug dils departaments paran da fatschantar mo enqualin. Per tempra tscheivrla han siat guggas dalla Surselva, duas musicas d'ordeifer e l'uniun da platialas Surrein procurau.

> PAGINA 5

## Punt denter dus stils da musica

La Compagnia Rossini ed la musica dall'armada han concertau avon 900 personas

DA GIUSEP VENZIN

«Nus havein vului crear ina punt denter la musica classica e la musica militar, quei para dad esser reussiu.» Il maestro dalla Compagnia Rossini Armin Caduff taxescha il concert dil venderdis vargau a Mustér sco gartegiaus: «Igl ei grev d'anflar en Surselva ina sala da tala grondezia cun buna acustica», ha el detg. Ella halla da tennis ei il tun vegnius rinforzaus culla tecnica, il concert dalla sonda sera ella baselgia reformada a Scuol senza quei sustegn. La Compagnia Rossini ha cantau tocs classic da Rossini, Verdi, Beethoven e Schostakowitsch, la musica Swiss Army Concert Band ed igl orchester Swiss Army Stringers han accumulau las cantaduras ed ils cantadurs sursilvans e dasperas aunc sunau evergreens da James Last, Bert Kämpfert ed Elton John. Il publicum ha fatg negina differenza tier igl applaus e buca spargnau cun quel tier las produenziuns, oravontut buca tier las produenziuns dils solists. «Igl ei ina grondiusa



La Compagnia Rossini ha dau igl'empre da siat concerts culla musica ed orchester dall'armada. FOTO G. VENZIN

collavuraziun senza cumplacziuns», ha Armin Caduff detg. Las duas musicas dall'armada dirigidas dil maior Christoph Walter

ein formaziuns renomadas ella scena da musica militar. Tuttina era Caduff nervus avon il concert a Mustér: «Nus seprentein sen-

za moviment, senza coreografia, quei ei nunusitau».

> PAGINA 3

## Tschercu ils meglers territoris

■ (gv) Gnanc a Prigelato han ils organisaturs dils giugs olimpics anflau in schi bi territoris per las cuorsa da cuorsa liunga sco ils organisaturs dils Dis da Gjuventetgna e sport a Sagogn ed a Castrisch. La sonda han las cuorsas singulas giu liug denter Castrisch e Sevgein e la dumengia ein ils affons e juvenils curri la staffetta a Sagogn entuorn il crest baselgia. Aunc detg cletg han ils organisaturs giu cull'aura. All'entschatta dallas cuorsas sin-

gulas plueva ei detg pulit, suenter in'ura eis ei setragt si ed il «klist» argien ha tenuu ellas plauncas. Ella staffetta currida el stil liber, han ils curriders giu ina loipa spertezia. Meins cletg che cun l'aura han ils organisaturs giu culla equipa da mesiratemps. La gliesta da rangaziun dalla cuorsa singula ei aunc buca cumparida. Quei incap ha lavagau empau la fiasta dils curriders.

> PAGINA 9



Ambrosi Hoffmann da Tavau ha gudignau la tierza medaglia pils skiunzs svizzers. El ei daventaus tierz el super-G. KEYSTONE



Uonn festivescha la gugga «Las lieurs da Trun» il giubileum da 15 onns. FOTO S. BEARTH

## Litteratura, cultura e musica da «La Val»

■ (anr/fh) Daspö november 2005 preschainta mincha mais ün giast litteratura rumantscha i'l Chesin Manella a Schlarigna. L'eivna passada han manà Hans-Peter e Rahel Seraina Schreich ün zich cultura jaura in Engiadina'Ota. Immigrants ed emigrants

— quai d'eira il tema da la sairada litterara e musicala. Ils aspectaturs han impris a cugnuescher la vita, las istorgias e las poesias da l'immigrant William Wolfensberger ed han survgni ün'invista illa tradiziun da l'emigraziun da la Val Müstair. Hans-Peter Schreich ha eir prelet our da la nou'ediziun «Istorgias e poesias da la Val Müstair» ed insembel cun sia figlia ha'l fat musica cun gias construidas in Val Müstair.

> PAGINA 11



Ils Dis da Gjuventetgna e sport ein pils giuvens curriders da cuorsa liunga grischuns ina dallas pli impurtantas cuorsas. FOTO G. VENZIN

## Sil podest cun dus superstars

■ (lq) Ambrosi Hoffmann da Tavau ha gudignau la sonda la medaglia da bronz el super-G. Victor dalla cuorsa ei il Norvegese Kjetil André Aamodt avon igl Austriac Herrmann Maier. La medaglia da Ambrosi Hoffmann ei la tierza medaglia pils skiunzs svizzers. «Quei ei mo ina medaglia per mei e per l'equipa svizra, quei ei era ina medaglia per la firma Stöckli», ha Hoffmann ludau siu equipader da skis

da Wolhusen. Quella firma era vegnida criticada pervia dils resultats mediochers ella cuorsa rapida. Partius cun numera 22, haveva Hoffmann schau nudar il meglier temp. Suenter la numera 29 ha el constatau: «Ussa poi tonscher per ina medaglia». Kjetil André Aamodt ha gudignau la tierza medaglia d'aur super-G olimpic. L'emprema gada haveva el gudignau avon 14 onns el super-G ad Albertville.

Servetsch d'abunents e da distribuziun: tel. 0844 226 226

